
■ ELECZIUNS PARLAMENTARAS 2015

La pcd è da buna speranza

(cp) Il barometer electoral mussa che la Partida cristiandemocratica (pcd) svizra po tegnair ses nivel. Quai dettia speranza per las elecziuns naziunalas da quest atun. Cussegliaer dals stans e president da la pcd chantunala, *Stefan Engler*, è persvas ch'i dovria vinavant in ferm center – e l'original da quel saja la pcd. La pcd dal Grischun ha prendì cun satisfacziun enconuschientscha da quest barometer electoral. La pcd svizra po surtut persvader cun ses chaus a la testa. Uschia saja il president da la pcd svizra, cuss. naz. *Christoph Darbellay*, il pli credibel par-sura da partida.

La pcd grischuna è da l'opiniun ch'ella possa crescher quest atun cun ina glista che tegnia quint da la multifariadad dal Grischun – davent da la Surselva fin il Grischun dal sid e cun il trais linguatgs resguardads.

Gia nominads per la glista èn: deputà *Daniel Albertin*, pur e president communal da la vischnanca fusiunada Albula/Alvra; *Silvia Casutt-Derungs*, deputada ed anteriura presidenta communal da Falera, sco era cuss. naz. *Martin Candinas* che vegn re-conuschì lunsch sur la partida ora per ses grond engaschament a pro dal chantun Grischun en il parlament federal.

Cun cuss. dals stans, *Stefan Engler*, po la pcd preschentar d'atun ina persunalitad enconuschenta e profilada. Vitiers vegnia i che la pcd disponia dad ina attractiva glista da la pcd giuvna cun ils deputads *Tino Schneider* e *René Epp*, la suppleanta *Corina Caluori*, l'advocata *Caterina Ventrisci* e la studenta da giurisprudenza *Melanie Janka*. Da quai ha il president da la pcd chantunala, cuss. dals stans *Stefan Engler*, grond plaschair.

La pcd grischuna è da l'opiniun ch'i dovria in solid center e ch'ella possa persvader cun fermas persunalitads. Ella s'engaschia per schliaziuns dals problems ed in plaz da lavur attractiv en Svizra. «La polarisaziun dals ultims onns n'è betg stada da gudogn per la Svizra. Perquai basegna quai ina pcd rinforzada. Uschia dettia i puspè schliaziuns che chattian maioritads e gidian vinavant il model da success Svizra» – segund cuss. naz. *Martin Candinas*.